

Sambutan Israk Mikraj UNISSA

Siaran Akhbar dan Foto :
Universiti Islam Sultan Sharif Ali

GADONG, Rabu, 10 April. - Sambutan Israk Mikraj terus diadakan oleh beberapa pihak di negara ini bagi memperingati peristiwa bersejarah bermulanya penyiaran sembahyang fardu lima waktu.

Antara yang mengadakan sambutan seumpamanya ialah Universiti Islam Sultan Sharif Ali (UNISSA) melalui Bahagian Hal Ehwal Pelajar (HEP), berlangsung di Auditorium, UNISSA, di sini.

Hadir selaku tetamu kehormat majlis, Rektor UNISSA, Dr. Haji Norarfan bin Haji Zainal.

Sambutan diisikan dengan Forum Khas yang membincangkan tajuk bersesuaian dengan tema Sambutan Israk dan Mikraj tahun ini, iaitu 'Sembahyang Membentuk Umat Bertaqwa'.

Para ahli panel forum terdiri daripada pelajar Program Ph.D Fakulti Syariah dan Undang-Undang, Awangku Mohammad Daud bin Pengiran Matassan; dan Pelajar Program Sarjana Usuluddin dari Indonesia, Muhammad Jihad Al Banna yang dipengerusikan oleh Pelajar Program Sarjana Muda Usuluddin, Ahmad Syafiee bin Aim.



REKTOR Universiti Islam Sultan Sharif Ali (UNISSA), Dr. Haji Norarfan bin Haji Zainal (tengah) hadir pada Sambutan Israk Mikraj anjuran UNISSA yang berlangsung di Auditorium, universiti tersebut.



PARA ahli panel forum terdiri daripada pelajar Program Ph.D Fakulti Syariah dan Undang-Undang, Awangku Mohammad Daud bin Pengiran Matassan; dan Pelajar Program Sarjana Usuluddin dari Indonesia, Muhammad Jihad Al Banna yang dipengerusikan oleh Pelajar Program Sarjana Muda Usuluddin, Ahmad Syafiee bin Aim.

Majlis diselenggarakan dengan penyampaian insentif kepada pelajar yang bergiat aktif dan mengharumkan nama UNISSA di peringkat kebangsaan dan antarabangsa pada tahun 2018, disempurnakan oleh tetamu kehormat majlis.

Selain menyemarakkan Sambutan Israk dan Mikraj, majlis itu diadakan untuk mengagungkan peristiwa Israk dan Mikraj; dan mengambil iktibar daripada peristiwa tersebut untuk diaplikasikan dalam kehidupan seharian.

Majlis juga untuk menghargai sumbangan pelajar-pelajar yang mengharumkan nama UNISSA di peringkat kebangsaan dan antarabangsa, di samping menanamkan semangat pelajar-

pelajar lain untuk ikut serta dalam pertandingan dalam atau luar negara.

Juga hadir pada majlis tersebut, Timbalan Rektor UNISSA, Dr.

Haji Mohammed Hussain bin Pehin Penyurat Haji Ahmad dan Penolong Rektor UNISSA, Dr. Arman bin Haji Asmad.

Tinjau Pusat Bahagia Eric Goh

Siaran Akhbar dan Foto : Jabatan Sekolah-Sekolah

BANDAR SERI BEGAWAN, Rabu, 10 April. - Seramai empat orang guru, 11 pelajar Program Pra-Vokasional Sekolah Menengah Perdana Wazir bersama ibu bapa dan penjaga pelajar membuat lawatan ke Pusat Bahagia Eric Goh di Daerah Belait.

Lawatan tersebut merupakan salah satu aktiviti yang dirancang dalam Pelan Tindakan Jabatan Pra-Vokasional bagi Tahun 2019 dengan empat objektif utama.

Objektif pertama adalah untuk mengetahui sejarah Pusat Bahagia Eric Goh. Objektif kedua adalah untuk mengetahui kursus-kursus yang ditawarkan sebagai salah satu hala tuju anak mereka selepas menamatkan Program Pra-Vokasional bagi ibu bapa dan penjaga. Objektif ketiga adalah untuk mengetahui strategi pengajaran dan pembelajaran yang dipraktikkan oleh tenaga pengajar di pusat. Objektif keempat adalah untuk menjalankan aktiviti kolaborasi seperti kraf tangan dan permainan uji minda di antara pelajar dan guru Sekolah Menengah Perdana Wazir dan Pusat Bahagia Eric Goh.

Mengetuai lawatan berkenaan adalah Ketua Jabatan Pra-

Vokasional, Dayang Hajah Jamilah binti Haji Sulaiman yang juga merupakan salah seorang Guru Homeroom Program Pra-Vokasional.

Rombongan disambut oleh Ketua Pengajar Kanan, Dayang Rafidah binti Hidup.

Lawatan diteruskan dengan aktiviti kolaborasi di antara pelajar dan guru Sekolah Menengah Perdana Wazir dengan Pusat Bahagia Eric Goh.

Lawatan diakhiri dengan sesi pertukaran cenderamata di antara Sekolah Menengah Perdana Wazir dengan Pusat Bahagia Eric Goh.

Bagi pihak Sekolah Menengah Perdana Wazir, cenderamata berbentuk kolaj disampaikan oleh pelajar Tahun 7 Program Pra-Vokasional, Dayang Mas Atiqah binti Arbi yang merupakan hasil kerja tangan beliau kepada Dayang Rafidah binti Hidup dari Pusat Bahagia Eric Goh.

Dayang Rafidah seterusnya menyampaikan cenderamata berbentuk lukisan yang merupakan hasil kerja tangan salah seorang pelatih pusat kepada Ketua rombongan Sekolah Menengah Perdana Wazir.



PELAJAR Tahun 7 Program Pra-Vokasional, Dayang Mas Atiqah binti Arbi menyampaikan hasil kerja tangan beliau kepada Dayang Rafidah binti Hidup dari Pusat Bahagia Eric Goh.

Tingkat kesedaran pentingnya produk halal



PENYAMPAIAN cenderamata kepada penceramah jemputan, Pegawai Uagama Kanan di Bahagian Kawalan Makanan Halal (BKM), Kementerian Hal Ehwal Uagama (KHEU), Awang Ahmad Haziq bin Haji Abdul Hamid.

Siaran Akhbar dan Foto : Universiti Islam Sultan Sharif Ali

GADONG, Rabu, 10 April. - Universiti Islam Sultan Sharif Ali (UNISSA) melalui Pusat Penyelidikan Halalan Thayyiban mengadakan siri terakhir perkongsian ilmu 'Halalan Thayyiban Talk' Siri 3, bertemakan 'Ke arah Membangun Generasi Thayyibun wa Thayyibat', bertempat di Dewan Jubli, UNISSA, di sini.

Hadir selaku penceramah jemputan, Pegawai Uagama Kanan

di Bahagian Kawalan Makanan Halal (BKM), Kementerian Hal Ehwal Uagama (KHEU), Awang Ahmad Haziq bin Haji Abdul Hamid, antara lain mengongsikan latar belakang dan tanggungjawab BKM dalam memantau kemasukan juga pengeluaran makanan dan produk halal di Negara Brunei Darussalam dengan kerjasama Majlis Uagama Islam Brunei (MUIB), KHEU dan Jabatan Perdana Menteri.

Awang Ahmad Haziq juga menerangkan mengenai prosedur kemasukan daging halal ke negara ini dan permohonan sijil halal bagi setiap rumah penyembelihan tempatan.

Pegawai Pemerhati yang dipengerusikan oleh Pengarah Hal Ehwal Syariah jelas beliau, antara lain berperanan untuk memastikan proses penyembelihan di *abattoir* negara luar mengikut syarat-syarat yang ditentukan demi menjamin kualiti, kebersihan dan status kehalalan daging tersebut.

Manakala proses *stunning* pula jelasnya lagi adalah tidak digalakkan kecuali bagi binatang berkaki empat seperti lembu dengan syarat tulang kepala binatang tersebut tidak retak kerana ia boleh dikategorikan haram untuk dimakan.

Awang Ahmad Haziq seterusnya menjelaskan, mana-mana pemohon yang gagal untuk memohon sijil halal atau penyalahgunaan logo halal akan dikenakan tindakan.

Seramai 100 orang pelajar, termasuk pensyarah-pensyarah dan kakitangan dari Pusat Penyelidikan Halalan Thayyiban menghadiri sesi perkongsian tersebut.

Dengan adanya sesi perkongsian seumpama ini diharap akan dapat menghasilkan pelajar yang dapat menyumbang kepada perkembangan industri halal dan meningkatkan kesedaran di antara para pengguna mengenai kepentingan produk halal, terutamanya kepada orang awam.